



# უფლის ფერისცვალების დღესასწაულზე ბუდაპეშტის მიძინების ტაძარში ექვსი ადგილობრივი ეკლესიის მღვდელთმთავარმა საღმრთო ლიტურგია აღასრულა



**სსკვ-ის კომუნიკაციის სამსახური, 20.08.2022.** 2022 წლის 19 აგვისტოს, უფლის ფერისცვალების დღესასწაულზე, ბუდაპეშტის წმინდა მიძინების საკათედრო ტაძარში საღმრთო ლიტურგია აღევლინა, რომელშიც მონაწილეობა მიიღო ექვსი ადგილობრივი ეკლესიის მღვდელთმთავარმა. უნგრეთის დედაქალაქში ისინი ბუდაპეშტისა და უნგრეთის მიტროპოლიტი ილარიონის სამღვდლო ხარისხში მსახურების 35 წლისთავის იუბილესთან დაკავშირებით შეიკრიბნენ.

საღმრთო ლიტურგიას იერუსალიმის საპატრიარქოს წარმომადგენელი ვოსტრის მიტროპოლიტი ტიმოთე უძღვებოდა. მას თანამსახურებდნენ ბუდაპეშტისა და უნგრეთის მიტროპოლიტი ილარიონი, რუსეთის მართლმადიდებელი ეკლესიის ბერლინისა და გერმანიის ეპარქიის მმართველი რუზის მთავარეპისკოპოსი

ტიხონი, სერბეთის მართლმადიდებელი ეკლესიის იერარქები – ბუდიმის ეპისკოპოსი ლუკიანე და ბაჩის ეპისკოპოსი ირინეოსი, რუმინეთის მართლმადიდებელი ეკლესიის იერარქი დიულსის ეპისკოპოსი სილუანე, ბულგარეთის მართლმადიდებელი ეკლესიის სინოდის მთავარი მდივანი მელნიშის ეპისკოპოსი გერასიმე, ჩეხეთის მიწებისა და სლოვანეთის მართლმადიდებელი ეკლესიის იერარქები – პრალისა და ჩეხეთის მიწების მთავარეპისკოპოსი მიხეილი და მიხეილოვო-კომიცის მთავარეპისკოპოსი გიორგი.

ღვთისმსახურებაში მონაწილეობა მიიღო უნგრეთის, გერმანიისა და სერბეთის შვიდმა მღვდელმსახურმა და ხუთმა დიაკვნამ.

გალობდა მიძინების საკათედრო ტაძრის გუნდი ევა გვოლიკის რეგენტობით.

მრჩობლი კვერეჯის შემდეგ მიტროპოლიტმა ილარიონმა მშვიდობის აღდგენის ლოცვა წაიკითხა, საღმრთო ლიტურგიის დასასრულს კი ნაყოფთა კურთხევა აღასრულა.

განტყვებაზე მიტროპოლიტმა ტიმოთემ თანამწირველ მღვდელთმთავრებს, სამღვდლოებას და მრევლს უფლის ფერისცვალების დღესასწაული მიულოცა, შემდეგ მიტროპოლიტ ილარიონს მიმართა და აღნიშნა მისი გამორჩეული წვლილი მართლმადიდებლური სარწმუნოების გავრცელებისა და განმტკიცების საქმეში. მიტროპოლიტმა ტიმოთემ იუბილარს წმინდა ქალაქ იერუსალიმისა და სრულიად პალესტინის უნეტარეს პატრიარქ თეოფილესგან მილოცვა და კეთილი სურვილები გადასცა.

მიტროპოლიტ ილარიონს ასევე მიულოცა რუზის მთავარეპისკოპოსმა ტიხონმა რუსეთის მართლმადიდებელი ეკლესიის ბერლინისა და გერმანიის ეპარქიის მორწმუნეთა სახელით.

ბაჩის ეპისკოპოსმა ირინეოსმა მოლოცვა გადასცა სერბეთის უწმინდეს პატრიარქ პორფირესგან, დიულსის ეპისკოპოსმა სილუანემ კი რუმინეთის უნეტარეს პატრიარქ დანიელისგან. პრალისა და ჩეხეთის მიწების მთავარეპისკოპოსმა მიხეილმა იუბილარს ჩეხეთის მიწებისა და სლოვანეთის უნეტარეს მიტროპოლიტ როსტისლავისგან მილოცვა და და მღვდელმონაშემ გორაზდის (I ხარისხის) ორდენი გადასცა.

საპასუხო სიტყვაში მიტროპოლიტმა ილარიონმა მღვდელთმთავრებს გულითადი მადლობა გადაუხადა თბილი სიტყვებისა და კეთილი სურვილებისთვის, და აღნიშნა, რომ მიძინების საკათედრო ტაძრის ისტორიაში ჯერ არ ყოფილა შემთხვევა, ცხრა მღვდელთმთავარს, ექვსი ადგილობრივი მართლმადიდებელი ეკლესიიდან, ერთობლივი ღვთისმსახურება აღესრულებინოთ.

ჯვარზე მთხვევის შემდეგ მღვდელთმთავრებმა სამახსოვრო ფოტო გადაიღეს.

სლავურ, უნგრულ და რუმინულ ენებზე ჩატარებული ღვთისმსახურების პირდაპირი ტრანსლიაცია მართლმადიდებლური ინტერნეტ-პორტალის „იესოს“ ვიდეო-არხით გადაიცემოდა.

---

წყარო: <https://mospat.ru/ge/news/89541/>